

Ro chuala ar thagrais, a Thaidhg

[McKenna, L. *Iomarbhágh na bhFileadh* (Irish Texts Society, vols 20, 21, 1918); poem 6]

Lughaidh Ó Cléirigh .cct.

1 Ro chuala ar thagrais a Thaidhg  
a chloisdin ní cúis iomaирg  
acht an bhréag do chur ar gcúl  
's gan páirt araile d'iompúdh.

2 Do bhéar-sa aire dhuid-se  
tar cheann Torna san troid-se  
le fírinne bristear cath  
san ghliaidh madh calma an ciontach.

3 Ó nach fuilim re teann  
anfad i bhfos misde leam  
ní fearr dhaoibh mo dhul ba dheas  
im dhán is measa m'aighneas.

4 Ní éistiobh dhuit déanamh truim  
tar riaghail ar chlannaibh Chuinn  
's gach a ndearnais orm badh dhéin  
atáim orramach ainn-séin.

5 Ná bíodh fearg ar Leith Mogha  
fá ngoin i n-aghaidh gona  
dá raibh bíodh a n-aithbhear ort  
tré th'fhala dhóibh do dhúsacht.

6 Ní bhiú re forbhthas ndána  
's a lán agam ré rádha  
bhar n-eang-sa dá leantar leam  
ní bhia m'fhuighle go haithghearr.

7 Gibé fréamh ó bhfuil do chúis  
do bheanas í go bhfios dúinn  
ceannas Éireamhóin nár bh fhang  
ar Éibhear mar do dhearbsam.

8 Féach leat Leabhar ha hUidhre  
is ann dearbhóchad m'fhuighle  
is an amhras i dtéid sibh  
ar breith Aimhirgin ghlúin-ghil.

9 Breith Aimhirgin ón uair sin  
atá i nÉirinn gá n-uaislíbh

do bhéar rosg dá dhearbhadh dheit  
go bhfuil na sein-bhreith oirdhreic.

10 Do ghéabha an rosg-sa madh áil  
i ndlighthibh ríogh Inse Fáil  
eagna le heaglais a-dir  
agus feabhtha la flaithibh.

11 Madh é an t-óg bhus foirbhthe gníomh  
toghthar é san suidhe ríogh  
gibé gá mbí an eagna lais  
is é toghthar san eaglais.

12 Ná habair gurab sinnsir  
do thoghthaoi i nÉirinn innsigh  
minic do chuaidh óg tar sean  
i ndligheadh maicne Míleadh.

13 Mór dár seanchas ar gach taoibh  
nach faghthar i rosg ná i laoidh  
ar laoidh féin ní faghthar dath  
gan leabhar glan dá chumhdach.

14 A ndubhairt re hÉibhear Fionn  
más bréag mar a-deire riom  
do shaoil sinne gá rádha  
gurbh fhíor Leabhar Gabhála.

15 Don leabhar sin creidid cách  
do bhréagnuigh tú gibé fáth  
i n-iongnadh ní curtha dhúinn  
curthar saoibh-chiall sa sgrioptúir.

16 Creididh tú do na leabhraibh  
madh ní thaithneas léd mheanmain  
más faibhle is milis a mblas  
madh re síol nÉibhir bheanas.

17 Níor sgríobhadh éin-leabhar riamh  
is an domhan thoir ná thiar  
gidh é an sgrioptúir do-sgara  
fa mhian fir na hantola.

18 Gibé fuair ceannas san Spáin  
tar Éibhear bhFionn ré dteacht dáibh  
ná cuir i n-iongnadh i bhfus  
a bheith ós chách i gceannus.

19 An tlbernia a-deire

d'fhaicsin i dteangthaibh eile  
san gcás sin choidhche ná creid  
i dteangthaibh nach í an Scoitic.

20 San Scoitic má fuair éin-fhear  
gairm Hibernia ó Éibhear  
fearr an fhínné ná a bhfuil lat  
don dá bhéarla seachtmoghat.

21 Is uirre as mhó atá d'fhiachaibh  
coimhéad seanchais Fhuinn Fhiachaidh  
ag sin fáth as a ndleaghair  
mo chéadfaidh do chreideamhain.

22 Do léighis féin fiadh fuinidh  
do ghairm don Éirinn fhuiligh  
créad an fáth a ndubhradh ria  
más bréag tionntúdh Hibernia.

23 Munab ag fuineadh gréine  
atá an tís dán hainm Éire  
ná creid duain sheanchais ar sean  
Canam Bunadhas na nGaoideal.

24 Ní san aird thoir éirgheas grian  
ó nach luigheann san aird thiар  
fuineadh gréine ó nach áil  
ní cóir teacht tar a thurgháil.

25 Mar tá a fhios ag gach éin-fhear  
Hibernia nach ó Éibhear  
gár bheag dhúinn dá dhearbhadh ort  
an sruth Hiber a-dubhart.

26 Misde an seanchas a dhiamhra  
's nach fuair sé acht seal bliadhna  
don leith as lugha d'lath Breagh  
gairm Hibernia ó Éibhear.

27 Leath Éibhir más fíor dhuid-se  
is í as fhearr don dá chuid-se  
dámadh fíor do b'fhalla an bhreach  
ná dearbh as acht go haireach.

28 Do dhlighe Éireamhón Teamhra  
tar Éibhear go méad meanma  
an leath as fhearr d'Inis Breagh  
dá gcreide do Chath Laighean.

29 Níor lugha do mhil do mheas  
an taobh thuaidh-se ná an taobh theas  
re linn ranna an dá thionól  
Éibhear Fionn is Éireamhón.

30 Fearg an naoimh neimhnigh ní bréag  
rug ar mbeacha i Loch Béilséad  
an barr meala maoidhtheair libh  
ní raibhe i n-aimsir Éibhir.

31 Ná bí réd chathrachaibh dhúinn  
ní fhuil ionnta acht oil i n-úir  
do chuimhne ar ghabháltas nGall  
sochar d'Éibhear ní dhéanann.

32 Má tá libh cnuasach cumhra  
do thaoibh sochair bhar lubh-ghort  
ní cóir teacht tar choill mar sin  
nach raibhe i n-aimsir Éibhir.

33 Do cheil tú inbheara an éisg  
do bhuí ar chuid Éireamhóin fhéil  
fagham a n-aithghin agaibh  
rompa i bhfus dá bhfuaradair.

34 Sein-bhriathar leam na n-aghaidh  
ón aird thuaidh thig an chabhair  
na hughdair do ghéanadh trom  
ar an aird thuaidh dá labhram.

35 Cuid dom dhearbhadh dhá chosnamh  
do ghéabhtha i gCath Ceall Osnadh  
bail nar thuit le mac Earca  
rí Caisil 's a chuideachta.

36 Más í leath Éibhir do bfhearr  
créad thug d'Éireamhón gan fheall  
nach í do shealbhuigh fa dheoidh  
iar n-ath-roinn Éireann dá aindeoin.

37 Do rad cóigeadh do mhac Ír  
iar marbhadh Éibhir fán thír  
i n-ainm dá chuígeadh do bhir  
an Mhumha do chloinn Éibhir.

38 D'Éibhear Fionn ní dhearna thír  
bhar ngreasacht oirnn go sliocht Ír  
sinn ó chéile ní chuirfe  
dhaoibh-se d'fhagháil fuaruighthe.

39 Gach rainn dá bhfuairsead sliocht Ír  
dár dtoil féin do bheansad dínn  
ní hámhlaidh sin tharla an leath  
do bhí uaibh-se ag sliocht Luighdheach.

40 Ríghe Mumhan gach re bhfeacht  
do bhuí ag Dáirine tré neart  
gur ghlac Oilioll Ólum thiar  
Lugha mar dhalta ó Mhaicniadh.

41 Ní mó ná an leath eile dhí  
eadraibh-se is Éarna do bhí  
créad í an roinn i raibhe  
fiarfaigh dot Chath Mucroimhe.

42 An leath do bhí ag Éibhear Fhionn  
más leath chomhthrom ní léir liom  
ar do leith-sgéal má tá dath  
ní fhéad ar ndúthaigh d'holach.

43 Roinn cloinne Dealála mhic Lóigh  
más innte chuirthí bhar ndóigh  
níorbh fhiú a n-eolus ar an bhfonn  
roinn na gcúigeadh i gcomhthrom.

44 Roinn aith-ghearr do réir toile  
do rónsad sin ré roile  
roinn shíor gan chombáidh maicne  
do roinn Cearmna is Sobhairche.

45 Roinn toile ní hí as ghnáthach  
idir dhís más dís bráthar  
fa roinn críche is gnáithche tol  
idir cúigear nó ceathrar.

46 Do dheabhadh ar roinn toile  
do dhéanamh dhóibh ré roile  
gach port i dtigdís i dtír  
do ansad ann gan eissídh.

47 Más roinn cheart ar aoi n-anma  
thugsad Fir Bolg ar Banbha  
is tearc don ríoghraíd do ghabh  
an Mhumha mar dhá chúigeadh.

48 Ceithre chuid do niad d'Éirinn  
iarsma Fhear mBolg is Éilim  
éin-fhear dhíobh fa rí Mumhan

i rocht gurab í an ceathrumhadh.

49 Éin-rí amháin mar as chubhaidh  
ó shoin i le ar an Mumhain  
ní roinn cheart do chuíg tíre  
's a dó dhíobh i n-éinríghe.

50 An cóigeadh saor áirmhe libh  
nítré theann tharla acht mar sin  
d'éis bhar ndá chuígeadh do mheas  
gan barr ionnta acht ar áirmheas.

51 Na saoirse cóigidh ná creid  
muna bhfuil dá dhearbhadh dheid  
acht mar cheann Ard-mhacha mhóir  
rí Caisil go bhfuair onór.

52 Cádhus aige ní raibhe  
go bhfuair Pádraig an baile  
ní do rígh Caisil mar sin  
tugadh comairce Caisil.

53 Níorbh é sin ríogh-phort Muimhneach  
go dtáinig Corc mac Luighdheach  
cia an ríoghphort oilétré theann  
do bhí saor ag rígh Éireann.

54 Atá i gceart gach ríogh go réil  
rann eile as a dtuigfe féin  
gach onór a deirthí a-nois  
nach é fuair acht an eaglais.

55 Ní féidir a n-abra rinn  
nach bréag fa leith Éibhir Fhinn  
leath Mhogha Nuadhat ó Chonn  
má dearbhar a bheith comhthrom.

56 Conall Cruachna dearbhaím dhuid  
do rann Éirinn i ndá chuid  
nach raibhe i gcomhthrom do Chonn  
a Thaidhg ná cuir-se ar Chonall.

57 Gá lón tríocha i nÉirinn áin  
ní molta an roinn d'Inis Fáil  
mar dubhart anso tar m'éis  
gan leabhar ghlan dá fhaisnéis.

58 Ó nach tigmíd ré chéile  
i sean-roinn dá bhfuair Éire

anam ar roinn Gall a-nos  
más lór téada dá tómhas.

59 Atáid rér oile a n-urdail  
do bhreith na laoch ó Lonnduin  
líon condae bhar ndá chóigeadh  
áirmhidh i n-ar n-aon-chóigeadh.

60 Dá réir sin ní mó ná leath  
rug Eoghan ó Chonn na gcreach  
gibé duine a-deir go rug  
áirmheadh dighnite a n-eapscop.

61 Do phuirt oireachais más fearr  
a Mhic Dáire is iongnadh leam  
Partolón iar bhfios a sgéal  
d'anmhain i nInis Saiméar.

62 Ard-rí Éireann an Daghda  
ar mbreith roghan don Bhanbha  
is clann Cearmada fa seach  
d'anmhain ar-aon i nOileach.

63 Gá dás dó 's ní hiad a-mháin  
acht a dtárraidh Inis Fáil  
do b'í a rogha bheith i bhfus  
lorg a n-áitighthe dhearbas.

64 Cia dod phortaibh áille thiar  
nar shuidh rí Éireann go Brian  
ós iad na háite do b'fhearr  
do thoghsad ríoghradh Éireann.

65 Ní maoidhte ar phortaibh Muimhneach  
Corcach Portlairge Luimneach  
puirt nuaidhe do rónsad Gaill  
ní bheanann siad dár seanrainn.

66 Tiodhlaicthe Dé dár bhflaithibh  
a gcur ar gcúl ná braithidh  
dá meastá a gcur ní chreid sinn  
nach mór a sochar d'Éirinn.

67 Tré fhíor-fhlatha feasach dhaoibh  
tig mar deir Morann mac Maoin  
iasg i n-inbhear ón aithbhe  
is i dtrághaibh torchairthe.

68 Mar sin is tiodhlaicthe ón Rígh

do bheir locha is aibhne i dtír  
's do thabhairt éisg is torchar  
mheabhas ciumhsa caladh-phort.

69 Ná tathaoir abhann ná loch  
mó� tarbha a néamhann 's a gcloch  
's as dá maidhm móide an sochar  
tig an tír do thiormochadh.

70 Cuid mhór dá sochar do chách  
mar choisgtheар leo a sgís do gnáth  
do thaobh aisdir an oirir  
d'iomchur neith i n-arthraighibh.

71 Cuid eile thig dá tharbha  
na muiinne ag meilt an arbha  
mó� a bhfeidhm i n-aimsir the  
d'fhionn-fhuardh ceathra is daoine.

72 An tír as a moltar soin  
blogh talmhan do bhuan don mhuir  
báthadh na tíre tig dhé  
's ní bhíd na trághaibh toirthe.

73 Atáid daoine is tír sin féin  
thairngeas an mhuir chuca i gcéin  
féach a Thaidhg an mó an sochar  
maidhm na sruth gan tiormochadh.

74 Don ard-rígh ré linn tarla  
áirmid leabhair a tharbha  
gach abhann gach loch dar ling  
feadh a aimsire ar Éirinn.

75 Fada ó loruaidh an fhuil ríogh  
ní do Romhánchaibh a shíol  
is as nach áirimhtheар dhó  
breith Chríost i mBeithil lúda.

76 Ochtauin August an rígh  
do reac re hloruaidh an tír  
ar Ochtauin maoidhtear sin  
bhreith Chríost ré linn i mBeithil.

77 A Thaidhg is do thaobh tnútha  
cheileas tusa ar mhac Úna  
a thiodhlaicthe ón Rígh do nimh  
mar a-deir Airne Fhínglin.

78 Más beag a mbrígh mar deire  
a bhfuair Conn oidhche a gheine  
a bhfagháil do budh luinn lat  
ré maoidheamh ar Mhogh Nuadhat.

79 Is iongnadh más ionann sin  
maoidhtear linne agus libh  
d'Eoghan Mhór coigill an bhídh  
's tiodhlaicthe Dé dár n-áirdrígh.

80 Níor choigill Conn a chuid bídh  
's ní raibhe gorta na thír  
d'fhaichill gorta 's é as déanta  
do rígh a bheith firéanta.

81 Ní bhiadh dá bhfoicleadh mar Chonn  
gorta i gcuid Eoghain don fhonn  
re haindligheadh thig do ghnáth  
meisde d'Eoghan a ionrádh.

82 Créad do ní fuil Éibhir dhíobh  
sochair áirmhi-se nach fíor  
ré linn nach facas plágha  
glór eile nár bh ionrádha.

83 Eanna is Muineamhóin más díbh  
bás don phláigh fuairsead na rígh  
ar abra feasda iar na bhfios  
nach raibhe pláigh na bhflaitheas.

84 Uaithe a ríogh ar Fonn mBanbha  
d'fhuil Éibhir is é as damhna  
más lugha plágha is gorta  
na ré a fhir an fhor-mholta.

85 Ná habair riom gurab ró  
is dá n-abrainn ní-sa mhó  
roinn mac nlughoine gur mhar  
ar Éirinn trí céad bliadhan.

86 Fuaras i ráithibh fileadh  
go bhfuil agam ó dhligheadh  
dá dtugthaoi áireamh cinnte  
léim thar uimhir éigcinnte.

87 Is beag teasda do thrí céad  
nár chaith féin na trí fir dhéag  
ríomhthar i ndiaidh ar oilé  
do shliocht uaibhreach lughoine.

88 Neach na n-aghaidh níor éirigh  
acht ceathrar do shliocht Éibhir  
tig tar gealladh orra is-teagh  
gearr an ré dóibh do fuilngeadh.

89 Ar aba an cheathair do theacht  
i gceannus Teamhra tar cheart  
níor beanadh an roinn roimhe  
dár mhair do shliocht lughoine.

90 Ré as mhó ná ar n-áireamh bliadhan  
do bhádar do réir fiadhan  
cuid don tsliocht sin luaidhtear linn  
i dtreise ann ngach aird Éirinn.

91 Críoch Chonnacht a ndúthchas féin  
na leith ní curthe mar chéim  
is cóigeadh Laighean uile  
aca ó aimsir lughoine.

92 Do badh dhíobh-san na hÉarna  
cuimhnigh féin fad a dtéarma  
i gceannus Mumhan i-muigh  
is Dál bhFiatach i nUlltaibh.

93 Clann Deadhadh go gcras g céimeann  
treas laoch-aicme na hÉireann  
don tsliocht chéadna mar ad chlos  
Teamhair Éarna is é a ndomhgnas.

94 Mar sin nach iongnadh a rádh  
gach réd dár dhealbhas im dhán  
bail ar a roinn go raibhe  
tar éis cloinne lughoine.

95 Ní righim a leas a ríomh  
m'áireamh bliadhan m'áireamh ríogh  
do dhearbhadh ceirt mar fuair sinn  
shleactha lughoine ar Éirinn.

96 Tugsad Gaoidhil mar tá róm  
sealbh Éireann d'lughoine mhór  
dá chloinn tar éis a n-athar  
dí do léigsead rudhrachadh.

97 Fuair Tuathal ar dteacht tar tuinn  
an tseilbh chéadna mar do thuill  
ní hiad Aithigh Tuaith do bhir

an tseilbh dhó-san acht Gaoidhil.

98 Ar sheilbh Thuathail ná cuir brat  
Corb Ólum níorbh óige an mac  
ar son nár chathuigh fá ceann  
mar nár leis sealbh na hÉireann.

99 Iar sgrios Aitheach a Éireann  
tug Tuathal dar mhac Feidhlim  
a dhúthchas féin da gach fhear  
dár mhair do mhaicne Míleadh.

100 Dar ndóigh is dearmad thug ort  
mar do ráidhi-se 's ní locht  
nach iad Gaoidhil thug a dtol  
re seilbh Éireann do Thuathal.

101 Ar gheallsad sliocht Éibhir Fhinn  
do chomhaillsead i leith rinn  
créad fá mbeimis diomdhach dhíobh  
ní mór do rónsad d'fhoirbríogh.

102 Re linn seasgadh ríogh 's a seacht  
ó do thairbhirsead a gceart  
níor ghabh Fódhla acht éin-rígh dhíbh  
is Eoghan Mór na leith-rígh.

103 Más olc an chait-se ar Bhanbha  
fagham leat a mac-samhla  
ó taoi re tubha ar gcomhráidh  
is bíom réidh nár n-iomarbháidh.

104 Iar dtairbhirt a gceirt fá dhó  
do shaoil Niall nár bh ainbhos dó  
dá ngoireadh an-fhlaithe d'fhuil Chuirc  
ní mise a-deir mar dubhaint.

105 Más é do thug ort-sa a rádh  
olc do ráidhis re Niall nár  
nar leis an Éire mar soin  
le tiomna ar aithris Tuathail.

106 Ó tá leat-sa do mheabhair  
an rann-sa a-déar im dheaghaidh  
ná habair nach raibhe bail  
ar tiomna Néill Naoi-ghiallaigh.

107 Do rannsad a mhic iar sin  
Inis Airt ba hamhra in fhir

is dóibh do berair a ngéill  
céin biaidh na niuill im ghréin ghil.

108 Munar leis í ré tiomna  
créad fár fhuluing a bhíodhbha  
Éire dá ghaol is dá shliocht  
sé céad bliadhan i n-oighreacht.

109 Más mór leat ar ríoghadh dhíobh  
ag sinn duit aimsear na ríogh  
créad an leith-sgéal do bhire  
uait ar son na haimsire.

110 Na tairg claochlódh m'áirmhe ríogh  
's dá léiginn a ndá dtrian díom  
lém ríogha gur ba treise  
ná an síol Éibhir áirmhei-se.

111 Rígh go bhfreasabhra ó thairge  
do rádh re Conn re Cairbre  
is re Cormac na mbreath bhfíor  
dod ghlór is déanta dimbríogh.

112 Ní rí Conn do réir riaghla  
a-deir tusa acht seacht mbliadhna  
más dá ríghe an ré nár lamh  
buain don roinn do bhí ag Eoghan.

113 Cia do b'aird-rí ar Inis Fáil  
naoi mbliadhna Eoghain sa Spáin  
más é Conn ba rí cá fad  
ria ndíbeirt Mhogha Nuadhad.

114 Iar dtuitim Eoghain i gcath  
cia ba rí ó shoin amach  
ar ghrádh th-einigh abair rinn  
an feadh do mhair mac Féidhlim.

115 Ar m'áireamh atáid fiadhna  
féach an mó náid seacht mbliadhna  
mása mó ní creidhte ód dhán  
nach dearna saobh ná seachrán.

116 Bheith ag síor-chur bréag id leith  
éigean dúinn nó ar ndearbhtha ar cleith  
gibé dhíbh-sin as usa  
dúinne ní dál urusa.

117 Cosmhuil sin is mar deire

nar chuir Conn fógra reimhe  
gan leith-sgéal agat acht soin  
san chath i gceann na flatha.

118 Nach maith an fógra catha  
ré cur i gceann na flatha  
longphort do ghabháil na ghar  
is teachta Chuinn do chrochadh.

119 Sgéal gan dath chuire ar do thriath  
níorbh 'fhiú Fiacha Fear-Dá-Liach  
Cormac fo ghabhal do chor  
níorbh fhír-bhreach dhó dá ndearnadh.

120 Créad thug d'Fhiacha gan ríghe  
do bhuan dé nó roinn tíre  
dá mbeith Cormac i láimh leis  
iar maidhm fair mar do mhaoidhis.

121 Do sgéal ar Chormac tré thár  
re Fiacha as oircheas a rádh  
a hucht druadh dá n-iarradh neart  
do b'fhiú a dhúthchas re draoidheacht.

122 Gidh lag draoidheacht mar dhearbhadh  
admhaim é gion go ndearnadh  
is faghaibh fiadhain oilé  
re maidhm Droma Damhghaire.

123 Bréag ar Mogh Ruith do fheadar  
do chur sa sgéal so ar Pheadar  
go ndubhaint ris ní rádh ceart  
méaraidh choidhche do dhruidheacht.

124 Sgéal fuar ar a bhfionntar bréag  
ní cóir a chreideamh go h-éag  
's gan congnamh éinleabair lais  
is mar sin atá th'fhorbhais.

125 Más ag triall ríghe Mumhan  
do thuit Cairbre na gcuradh  
fada uaithe an áit nar thuit  
i nGabhar Aichle ordhruic.

126 Seacht mbliadhna déag don churaidh  
ós chrích Fódla is ós Mhumhain  
gus an gcath-sa ionar chalma  
do b'é an rí gan fhreasabhra.

127 Ní thiocfadh Mogh Corb na dháil  
's ní gheabhadh an cath do láimh  
gur cheannuigh ón bhFéin teacht lais  
olc do chéad críoch a dturais.

128 Curhar an cath go ngaisge  
níor lamh neach oighidh Cairbre  
acht an t-anghlonn nachar mhín  
Osgar arnaidh mac Oisín.

129 Tuairgnid na fir a chéile  
dá nglan-armaibh go ngéire  
fágbhaidh Cairbre a niort gaile  
Osgar sínte i gcró-luighe.

130 Tig Caoilte is Oisín san ár  
is Osgar beo-mharbh na thámh  
is do ráidhsead na ndís ris  
nach rachadh d'easbaidh leighis.

131 Do ráidh-sean riú a bhfuaras riamh  
do chréacht-ghoin thoir agus thiar  
doilghe leam sleagh Chairbre í Chuinn  
idir mh'ímlinn is mh'árainn.

132 Do thuit Osgar gan chairde  
is do chear fa dheoidh Cairbre  
iar gcomhrac Osguir fhortail  
le Semeon d'Fhothartaibh.

133 Ar fhéin Fhinn is maoidhte an ghleo  
ar son Mogha do theacht leo  
fáth a n-éachta maoidhtear leat  
a gceannach má do thuilsead.

134 Guin Airt níor chuirthe ar Mhac Con  
gé tá so na leith dá chor  
ros mhudhaidh gér bo cara  
Lughaidh i gcath Mucramha.

135 Créad as chiall dó so más fíor  
Lugh do mharbhadh na dtrí ríogh  
bás na ngiolla congraim lag  
i gcath Crionna la Cormac.

136 Do bhás Cairbre is ionann ord  
dá chor mar sin ar Mhogh Corb  
's nach leis adrochair sa ngleodh  
acht lé bhráthair féin Semeon.

137 Dá gcurthaoi na rígh-se ar gcúl  
ní fuighthí go feasach dún  
dá threise do bhí ar Bhanbha  
rígh oilé gan fhreasabhra.

138 Minic riamh tarr ghéar-shmacht ríogh  
do briseadh le cách a síodh  
ní dhé sin tré cheart n-anma  
goirtheár rí go bhfreasabhra.

139 Gach rí rérbh ionrádha an t-ainm  
fada ród ó fuair a ghairm  
ós aca do b'fhearr a n-eol  
ná tairg na filidh d'aithcheodh.

140 Níor áirmheas le claon sligheadh  
rígh go bhfreasabhra ó dhligheadh  
acht comh-fhlaitheas ag druing thíobh  
le bráithribh nar thuill eissíodh.

141 Dá ngoirthí rígh leam-sa dhíobh  
re gabháil giall re cuaird ríogh  
iomdha mar sin dhíobh re mheas  
dár chóir an t-ainm nár airmheas.

142 Muircheartach Domhnall Ó Néill  
dá rígh Fódla an bhfaice féin  
níor áirmheas iad mar tharla  
a ngairm ríogh go bhfreasabhra.

143 Ar son nach maoidhfe acht go mín  
Domhnall Ó Lochluinn mar rígh  
do chuir sé catha fá ceann  
ag cosnamh Innse hÉireann.

144 Dá chath dhíobh-san sraointear lais  
i gCeann Coradh ar Dhál gCais  
's i Maigh Adhair gan time  
cath ar Ghallaibh Duibh-linne.

145 Bladh do dhíol na huinge d'ór  
Ceann Coradh Luimneach do dódh  
le Domhnall do rinneadh sin  
más díol i gclochaibh Oiligh.

146 Do fhéadfadh Muircheartach lais  
na clocha do bhreith tar ais  
bráighde Mumhan tug is-teach

don chuaird ríogh go Luimneach.

147 Níor áirmheas Toirdhealbhach mór  
náidh Ruaidhrí do bhronnadh ór  
níor shaoil mé gur mhór tarbha  
áireamh ríogh go bhfreasabha.

148 Buailtear airgead na ríogh róinn  
don dá rígh-se i gCluain Mic Nóis  
sgríobhaid filidh ar gach fear  
go ndearnsad aonach Tailltean.

149 Tug Toirdhealbach cuaird fo thrí  
don Mhumhain go riacht Tráigh Lí  
idir Mac gCarthaigh do rainn  
is clann Diarmuda an fearann.

150 Ón dá rann tug bráighde lais  
ó chloinn Charthaigh ó Dhál gCais  
tárraigh géill Gall don eachtra  
is géill Laighean na gcuideachta.

151 Acht a ghoire dhó do bhí  
do mhaoidhfinn é mar gach ní  
mar sin nach bíu dhá maoidheamh  
Ceann Coradh do dhío-sgaoileadh.

152 Féach an chuaird ríógh rug ar dtriath  
Ruaidhrí ar ndol go Gréin Cliach  
Domhnall Ó Briain tig dá thoigh  
is mac Cormaic Mhéig Carthaigh.

153 Do rann Mumhain i ndá chuid  
eatorra ar-aon go gcead duid  
is tug a bhráighde do bharr  
ó Mhágh Carthaigh ré comhall.

154 Ní fhuighthear éin-rígh oilé  
acht a bpait féin rér oilé  
dá ndearnsad d'Éirinn dá chuid  
acht aon-roinn Mhogha Nuadhaid.

155 Ní iarrfadhbh sibh roinn sa leanbh  
dámadhbh libh ó cheart a sealbh  
más í an ríge as leanbh ann  
is oirne do bhí a haltrom.

156 A leithéid sin lé dhearbhadh  
it áireamh ríogh go neamh-ghlan

gidh beag do háirmheadh leat go dána  
measaim nach fuil agat-sa.

157 Muircheartach mór más leith-rí  
's a mhac sin Tadhg a-deirthí  
do háirmheadh leat go dána  
iad na ríoghaibh iomlána.

158 Má fuair Donnchadh géill Midhe  
do fhuiling féin 's a fhine  
naoi mbliadhna an rígue gan roinn  
tar éis Briain do Mhaoilsheachluinn.

159 Ainm sleachta Néill go ndeagh-rath  
ceithre fhine na Teamhrach  
an rígue dhóibh go ndleaghan  
an t-ainm fós dhá dheimhneaghadh.

160 Ní dá gcuid ar dtús don tír  
Teamhair Breagh i mbídís rígh  
acht port ríogh do dhéanamh dhí  
is teacht chuca don rígue

161 I dTeamhraigh ní raibhe rí  
ó do easgain Ruadhan í  
do bhí an rígue ar a shon soin  
aca 's gan iad i dTeamhraigh.

162 RíTeamhrach ainm gach ríogh dhíobh  
ar dtréigean Teamhrach na ríogh  
Teamhair gach baile i mbí rí  
fáth an fhor-anma ad-chluintí.

163 Gach rí dár ríoghadh d'fhuil Néill  
do níodh Teamhair dá threibh féin  
créad thug do shliocht Éibhir Fhinn  
nach dearnadh sin re hÉirinn.

164 A Mhic Dáire is maирг nár chreid  
sean-roinn fileadh a-déar dheid  
atá i bhfaid nár léigheadh leam  
airdheanna Inse Éireann.

165 Ro dét i Mumhain gan cheas  
drong ríogh ríoghna rígh-éigeas  
gan ionnsaighid for Niall neart  
sonas sáimhe sádhaileacht.

166 Do righnis trom eile ar Niall

níor chóir a rádh gér mhaith Brian  
gur mhó a fhoghnámh don Bhanbha  
ná foghnámh Néill nathardha.

167 Tug Niall gá foghnámh as mhó  
go hÉirinn re humhla dhó  
bráighde ó ríoghachtaibh oilé  
nach tiobhradh Brian Bóroimhe.

168 Ag sin fáth for-anma Néill  
mar thug tar mhuir ceithre géill  
is mar áirmhid cách na gceann  
bráighde cúigeadh na hÉireann.

169 Sgríobhthar ar n-a fhíor-fhlatha  
mar do briseadh seacht gcatha  
ria n-a chrop iar n-éag do rinn  
ótha Muir nlocht go hÉirinn.

170 Créad nach áireomhuinn an rí  
mac Fiachrach dárbh ainm Dá Thí  
do ghabh neart go Sliabh nEalpa  
béim air cia darbh inbheanta.

171 Díbhfeirt cniocht-ghall chuire ar Bhrian  
más é mhaoidheas tusa ar Niall  
níor lamhsad sin teacht ré linn  
gá bhfearr a gcor a hÉirinn.

172 Níor chuir Brian iad a hÉirinn  
is níor sháimh dá haos léighinn  
ar mbeith dhóibh i nDuibhlinn thoir  
le Danmarga ad-rochair.

173 Do dhéandaois eachtrainn re Niall  
connradh nach dearnsad re Brian  
gan teacht dóibh go Clár Cobhthaigh  
's gan dol soir ar eachtrannchaibh.

174 Más é a ghlór agrai-se ar Niall  
fá dtugais a bharr do Bhrian  
ní chlos trom ón ndís oilé  
Conn Céad-chathach Conaire.

175 Do chreid Brian i gCríost mac Dé  
's do chreidsead cách i na ré  
tagra ris is deacair dhamh  
as lucht adhartha iodhal.

176 Ní fheadar acht sin a-mháin  
muna gcuirthea breith le báidh  
créad fá dtugais barr na bhfear  
do rígh dár chin ó Éibhear.

177 Níor chin uaidh samhail na ríogh  
ba fearr smacht ba faide síodh  
sé fichid bliadhan acht beag  
aon olc ré linn níor léigsead.

178 Acht fulung Chonaire dháibh  
clann Duinn Déasa rér fhear báidh  
's a gcur a hÉirinn fa dheoidh  
is aos an uilc dá n-aimhdheoin.

179 Is iad as fhearr fuair ríghe  
níorbh fhada a léim tar líne  
is do chumhdaigh ceart a sean  
's a dtogha i n-át a n-aithreadh.

180 Is dóibh ba torthaighe an fonn  
idir thoradh téire is tonn  
do dhearbh an t-ioth is an meas  
gur maith fuairsead a bhflaitheas.

181 Níor fhéach Brian ceart fán ríghe  
acht a buain dá flaith fíre  
tar éis tríochad glún do thocht  
ria mBrian suas nár ghabh ríoghacht.

182 Acht iad d'fhuireach i mbun ceirt  
dar ndóigh is ní d'easbaidh neirt  
tug dóibh so gan teacht is-teagh  
mar Brian tháinig tar dligheadh.

183 Nuimhir an dá bhliadhan déag  
dá n-áirmhe na rígh ní bréag  
níor bho rí Brian ós Banbha  
acht a trí gan fhreasabhra.

184 Aois Críost a dó is míle  
do tionnsgain Brian a ríghe  
's níor ghabh gus an deich iar-soin  
bráighde Chonaill is Eoghain.

185 Léightear leat iomthúsa Briain  
i ngach bhliadhain diaidh i ndiaidh  
is sgrúd a Thaidhg a dhála  
i leabhraibh aosta annála.

186 Do bhliadhnaibhh dhá bhliadhain déag  
leis gan aithcheodh ar n-a éag  
dá léigthe dot aighneas mhaith  
ní bhiadh Brian ina an-fhlaith.

187 Mór th'fheidhm don Bhrian-sa díbh Bloid  
tar ceann cháich dá sheasmhadh duid  
ó táid bhar sochair uile  
dá gcor i n-ucht aon-duine.

188 Is beag gach sochar dá mhéad  
nach raibhe acht dá bhliadhain déag  
d'aimsir Bhriain is é na hirr  
ag déanamh leasa d'Éirinn.

189 Faide seal Chonaire an ríogh  
seacht ndeich do bhliadhnaibh go fíor  
Éire as na aimsir do b'fhearr  
ré n-abrai-se seal aith-ghearr.

190 Gibé heile is dá mhíle  
do bhliadhnaibh ro bhai an rígh  
gan puinn do shocchar na sean  
re mBrian ag macaibh Míleadh.

191 Cuid don tsochar mhaoidhe ar Bhrian  
ní mhaoidhfinn ar Chonn ná ar Niall  
Do bheir lom ar chách gidh eadh  
ní nár dhéanta do dhéanamh.

192 Níor chuirthe i n-iongnadh ar rígh  
re linn creidimh do ghabh thír  
dá móradh an eaglais seal  
mar gach rígh dar ghabh creideamh.

193 Thoir ar túis thig gach eolas  
tar mhuij go hÉirinn sheolas  
tángadar sloinnte mar sin  
re linn Briain más fáth maoidhimh.

194 Bíodh nach badh rí é ar Éirinn  
má thug déirc do lucht léighinn  
is beag nach iomnár don fhior  
atá go mór dhá mhaoidheamh.

195 Ar th-aithris ní mhaoidhfe mé  
an fhurtacht thig d'eaglais Dé  
do bhí i ndaoirse feacht oilé

re dtoigheacht d'Aodh Ornaidhe.

196 Iar saoradh naomh is neimheadh  
miorbhal Dé air níor ceileadh  
fuli Chríost mochen ad chonnairc  
tig na ré as an tSacramaint.

197 Céile Dé don fhairrge a ndeas  
tigheadh go hAodh ar a leas  
is sgríbheann do nimh ar dteacht  
gach laoi ré ndéanadh proiceapt.

198 Gidh maoidhmheach tusa as do Bhrian  
ní hé fuair na frasa acht Niall  
d'fhíor-fhlatha is eadh as thuigthe  
do bheir Dia na tiodhlaicthe.

199 Ní maoidhte ar Bhrian acht go mín  
gan ar ndúthaigh do bhuan dínn  
dá dtairgeadh do b'eagail lais  
ní nach dearnsam do ghéanmais.

200 Ní fhuigheadh sé an ríghé féin  
acht tré iomthnúth fola Néill  
is Aodh Craoibhe Tolcha thoir  
i gcogadh re mac Ardgair.

201 Ar son timcheallaídhe Banbha  
don Dál gCais sin go calma  
maith leo filleadh gan tachar  
's gan síol gCuinn do ghream-achadh.

202 Ní fhuair Muircheartach gairm ríogh  
mac Néill Ghlún-duibh fa beo ghníomh  
tug cuaird re h-éin-mhíle fear  
timcheall Éireann ar éigean.

203 Tug rígh Mumhan leis i láimh  
Ceallachán gan cead d'Íbh Táil  
gé deir tú nach tugdaois treall  
umhla do ríoghaibh Éireann.

204 Ná hiarr dearbhadh air níos mó  
nach rabhsad fa ain-bhreith dhó  
go Cluain Tairbh créad gan a ndul  
do Bhrian dá mbeidís umhal.

205 Ní mór go dtaithneann ré lán  
mar a-deirthi a Thaidhg id dhán

nár dhoirtsead fuil mar Dhál gCais  
síol Cuinn tar cheann a ndúthchais.

206 Na bréig ort gidh nach leanfainn  
mac Maolruanaidh Maoilsheachluinn  
do chur ár Danmarg fo thrí  
is do mharbh Tuirgéis a n-aird-rí.

207 Áirmhid leabhair dhá céad déag  
do laochraídh Lochlann i n-éag  
i gcath Cais-ghlinne do chuir  
'S do bhris cath i Ráith Comair.

208 Cuimhnigh Conall is Eoghan  
ar shluagh Danmarg do b'eolach  
tugsad dhá chath fo seach dháibh  
ag Eas Ruaidh ag Ard Breacáin.

209 Cath Sgéithe Neachtain do rad  
Lorcan rí Laighean nár lag  
tuilleadh ar mhíle do bharr  
fa marbh do mhaithibh Lochlann.

210 Aodh Finnliath tug an deabhadh  
d'fhéin Lochlann ag Loch Feabhail  
dá chéad déag do cheannaibh fear  
i n-aon-charn síobh do háirmheadh.

211 Tug cath i gCill Ó nDaighre  
ar shliocht Danmarg go ndaingne  
tarla rí Connacht dá cur  
naoi gcéad easbaidh na nDanar.

212 Bristear le Connachtaibh cath  
ar loingeas Luimnígh amach  
tugsad cath oilé i ro ort  
Maol dúin ríogh-dhamhna Connacht.

213 Do chuala tú a bhás mar Brian  
Niall Glún-dubh do b'ua do Niall  
ní hallas do dhoirt acht ful  
re sluagh Danmharg ad rochair.

214 Tuitim Néill Ghlún-duibh don ghleo  
Donnchadh mac Flainn níor léig leo  
nach mór tearnó dhíobh a-nonn  
tug ár ar laochraídh Lochlann.

215 Eachtar iarthair Eorpa a ainm

mac Néill Ghlún-duibh a los aim  
re dtoigheacht Briain is Murchaidh  
do thuit sé re Lochlonnchaibh.

216 Ní do Dhál gCais na ngéir-reann  
mac Maoil-mhithigh rí Éireann  
iar dtuitim seacht míle leis  
re Gallaibh Lochlann tuitis.

217 Ó Canannáin Ruaidhrí ar dtriath  
ar dtionól sluagh go hÁth Cliath  
cath Muine Brogáin do chuir  
nar thuit féin re cloinn íomhuir.

218 Don tsaluagh lér thuit do bhean díol  
dhá mhíle is eadh torchair dhíobh  
ria san gcath-sa atú do rádh  
tug cath ar Amhlaobh Cuarán.

219 Tug rí Conaill cath oilé  
don druing-se a-dubhairt roimhe  
ar shluagh Lochlann tug trom-ár  
's do thuit Niall Ó Canannáin.

220 Cath ag Biothlainn i Laighníb  
d'fhéin Lochlann tugsad Laighnígh  
i dtorchair Ughaire a rí  
ní do Dhál gCais a gcluintí.

221 Féach a Thaidhg an don Tál-fhuil  
Éigneachán mór mac Dálaigh  
do chuir cath i gCean Maghair  
dá dtug ár ar Dhanaraibh.

222 D'éis óir na nGall do dhagh-roinn  
annsin ar cinéal gConaill  
fuair aisiog iar na dháil  
ré thabhairt do mac Lonáin.

223 Más é as adhbhar maoidhete dheit  
bás Briain Bóroimhe 's a mheic  
re sluagh Danmharg i ndeabhaidh  
féach a gcor re Gaoidhealaibh.

224 Níor fhéadsad Dál gCais do ghnáth  
a gcosg d'Éirinn acht mar chách  
gach re seal a-nonn 's a-nall  
ní maoidhete cogadh Lochlann.

225 Níor áirmhis na cúig míle  
re Maoil-sheachluinn sliocht fíre  
do thuit i gcath Teamhra thall  
mar aon as mac ríogh Lochlann.

226 Ceithre catha nar mhaoidh mé  
's an cath-sa Teamhra tug sé  
nár chuir ár luchta an éididh  
's gan é na mhac Chinnéidigh.

227 A n-aisiog dó níor saoileadh  
a mbuí leo do bhroid Gaoidheal  
go bhfuair Maoil-sheachluinn tar ais  
ar Áth Cliath do bhí a fhorbhais.

228 Tug iar sin fógra oirdheirc  
do chách iar gcosg gach fhoirneirt  
le saoirse a sean le sochar  
d'fhearaibh Éireann d'ordachadh.

229 An chéad bhliadhain dá ríghe  
tug Maoil-sheachluinn sliocht fíre  
na sochair sin do bhean ris  
gidh ar Bhrian theas do mhaoidhis.

230 I n-iongnadh na cuire ar Bhrian  
a theacht sa neart mall do thriall  
do bheir dhuit a mhaoidheamh air  
réimheas an ríogh 's a shochair.

231 Caith Chairn Fordroma nár thais  
ar Thuadh Mumhan tugadh lais  
i bhFearta Nimhe i Maigh Breagh  
cath oilé ar Bhrian do bhris-sean.

232 Na bhfoilcheas ort má táid sin  
an dá chath-sin thaobhaim ribh  
féach leabhar Dhuibh Dhá Leithe  
's ní bhia ort na inchleithe.

233 I gcoimhmeas níor chuirthe Brian  
tar Maoil-sheachluinn suas re Niall  
níor mheisde Brian breith a bhairr  
gé do aithrígh Maoil-sheachluinn.

234 Is é do b'fhaide na rígh  
is do b'fhearr ceart ar an dtír  
's as mó ar a sgríobhaid filidh  
's as lughá ainm ain-dlighidh.

235 Trí céad dalta do Mhac Dé  
i n-onóir Críost do oil sé  
cuid dá theisd gibé heile  
's a bhás iar mbuaidh n-aithrighe.

236 Ní fuair éin-rí d'aicme Bhriain  
an gcáin roimhe ná na dhiaidh  
do Laighnibh tar thír oile  
níor dhlighe buain na Bóruimhe.

237 Dá leanadh Brian mar mhaoidhe  
lorg canóna gan chlaoine  
aith-ríoghadh do b'olc an bhreath  
ar rígh chóróntha chráibhtheach.

238 Tuathal Teachtmhar do dhaingnigh  
bóruimhe ar túis ar Laighnibh  
i n-íoc a inghean gan oil  
dá dtugsad éag i meabhail.

239 Do mhaith Fionnactha re mBrian  
an buar-so go bráth do Dhia  
ceathracha ríogh go a ré soin  
do shíol Tuathail do thobhaigh.

240 An bóruimhe ó ráidhtear Brian  
mar ghlórí dhíomhaoin tugadh thiар  
an t-ainm bladhmannach dar leam  
ó bhuar Laighean nár dhlighe-sean.

241 Ar Bhrian dá ríomh ní racham  
cluiche ó gCais i gCnoc Grafann  
ar mhnáibh na nGall dóid frí dóid  
iar mbriseadh catha i Sulchóid.

242 Mas é as an-fhlaithe díbh go ceart  
rí imreas ceart mar a neart  
i n-aghaidh Briain is tú lais  
tug dot aire nár thagrais.

243 Ár Danmarg do chur fá dhó  
i Maigh Íotha i gCalgaigh dhó  
re Niall Caille cidh shíne  
mac Criomhthainn i gcoimh-ríghe.

244 Níor chuirthe dhuit ainm do ríogh  
tar a chompráid féin 's gan é fíor  
a mhéad is meisde an loghadh

amhlaidh atá t'fhor-mholadh.

245 An dá fhocal thugais lat  
as do laidin féin go glan  
atá an treas focal ann dna  
i ndiaidh Scotorum Scriba.

246 Mairg nár léigh na trí focail  
ó taoi i dteangthaibh go fortail  
ria siu do thugais go grinn  
barr Néill do thabhairt d'Fhéidhlim.

247 Más molta an beatha do neach  
tochrádh naomh gibé do neath  
do fhéad tusa a déanamh teinn  
mar sin a beathaídh Fhéidhlim.

248 Do easgain Ciarán Cluana  
mac Criomhthainn cia nach cuala  
im chrodh a chille iar na chrádh  
is dé tháinig a thiughdál.

249 Do thaidhbhseadh dhó Ciarán cáidh  
go n-a bhachaill i na láimh  
go dtard forgamh dar leis air  
's níor mhair mac Criomhainn bliadhain.

250 Do gheall Ciarán fós nach biadh  
neart Fhéilim ó Chluain a-niar  
nach maith an fhiadhnaise so  
re duain Giolla Mo Dhubhda.

251 A cheart féin nach beanfadh dhíbh  
Flann 's é ar Éirinn na rígh  
an gcreidid cách 's gur léig sibh  
bhar leathrom le rígh chóigidh.

252 Aodh an ghai bhearnaigh do ghearr  
bile an Mhuighe is iongnadh leam  
aird-rí Éireann mar nár laimh  
imbeirt cluiche ar Maigh Adhair.

253 Tug taise Donnchaidh Uí Ruairc  
ó Chnoc Saingil cuid dá chuairt  
cead gud Dhál gCais-se níor ghabh  
is tug bradán Chinn Choradh.

254 Ná cuir bréag ar fhuil na Niall  
níor ghabhsad tuarasdal riamh

ó aoin-neach i nInis Airt  
baoth don chéad Thadhg a labhaint.

255 Tuarasdal Taidhg Chaol-uisge  
aithne dhamh-sa is duit-se  
eich Uí Néill 's a eachraidh féin  
do dhiúltadh dhó mar chaithréim.

256 Ag so a dheimhin dhuit madh áil  
do Lugh Lágha is beag nach náir  
ó do mhaoidhis Art Aoin-fhear  
cia ar bhadh cóir a chomh-mhaoidheamh.

257 Tar a bhfuair do ghonaibh arm  
is é Líoghairne ros mharbh  
iar dtuitim Airt ar an maigh  
is ann ros dhícheann Lughaidh.

258 Ar Laighnibh is ar Mumhain  
do iarr Cormac a chumhail  
's do chuir go gcead dod chuimhne  
bás Airt i leith Líoghairne.

259 Léightear libh an teachda breath  
bhar n-amharas orm dá mbeath  
ar Laighnibh dearbhócha dhuit  
gur iarr Cormac a éaruic.

260 Cladar feart fuirmithir lia  
ní leanabh dhé-sin níos sia  
cuir an corp sin i gcuimhne  
sul shaorfas tú Líoghairne.

261 Dearbhadh oile ar Lugha sonn  
fo bhás Airt a-dubhaint Goll  
is nár dhuít gach ar gheallais  
más fear marbh do dhí-cheannais.

262 'S é Nuaidheadha an ghaisgidh ghrinn  
más é thug ort-sa an bhreith ghill  
thugais do Lughaidh Lágha  
ná heirg ann go han-dána.

263 Cuiridh an dán sin gan chéill  
Eachtar tar Aichill mac Péil  
's nach sgríobhthar barr d'aoin-fhear air  
acht do Shamson nó d'Earail.

264 Neart do Lugha más searbh guth

fo seach i gConall Cearnach  
atá sa dán-sa a-dirim  
ag so an fáth fá bhfoillsighim.

265 Do bhí Cu Raoi mac Dáire  
d'fhuil Éireamhóin gan táidhe  
féach cia dhíbh ba chalma i gcath  
i n-éin-ré is Conall Cearnach.

266 Dod Lugh níorbh iarrtha a n-urraim  
Cumhall féin Fionn mac Cumhaill  
d'fhuil Éireamhóin iad fo seach  
Osgar Aonghus Gaoi-bhuaibhtheach.

267 Cáit i raibhe do Lughaidh  
Cairbre Músg leat más cumhain  
ar Lugh Mac Con an uair thug  
teicheadh i gcath Cinn Feabhradh.

268 Art mac Cuinn Conn is Cairbre  
chuirfeam an uair-se ar cairde  
ní fiú dhúinn go nuaidhe 'nos  
bheith dá n-ionrádh re th-amos.

269 Ní d'easbaidh gníomh gcóir ré ráidh  
má táid uaim 's ní labhra láin  
neithe nach ionráidh ann-so  
acht freagra thugas ort-sa.

270 Dá nguidhinn Críost mac Dé im dhán  
gan claonadh ar fhuath ná ar ghrádh  
a-déarhaoi béal-chráibhtheach rum  
mar dubhradh riot-sa romham.

271 Déanamh Néidhe dhíom ná taig  
gémadh Feircheirtne thú a Thaidhg  
do léigfinn th-ollamhnacht daoibh  
's ní thairgfinn suidhe id chathaoir.

272 Ní cosmhail mise is Néidhe  
an chóir áirmheas tú id thréidhe  
bheith im aghaidh dhí ní gar  
biaidh mo chathaoir gan claonadh.

273 Mó dhlighfinn mh'fhiacha do dhíol  
seasamh córa d'fhuil mo ríogh  
ná an umhla dhíom ro dleacht  
dot aois a Thaidhg dot oideacht.

274 Ag admháil th'oidis má tám  
níor leanas do lorg im dhán  
mise ag cumhdach na córa  
tusa ag díon na héagcóra. RO CHUALA.